



烈祖成績

安積覺編次

卷十五

伊 5
742
15



伊門
號 742
卷 15



烈祖成績卷之十五 起慶長十一年終十五年 安積覺 編次

十七年丙午正月。筑後久留米城主田中吉政第二子主膳

吉信病喪心。手刃臣僕五十三人。二十日欲斬近習小臣。反

為小臣被弑。創業記二十八日藤堂高虎子高次來于江戶。謁

大將軍。賜佩刀一雙。任大學助。神祖賜短刀。家忠日記是月青山

忠成其子忠俊。內藤正成。修理亮正成與四郎左衛門正成同名而人異忤神祖旨。

大將軍謹之屏居。創業記○羅山文集本多正信碑銘曰。公

一朝出見屬禁界有張蹄插者公詰之土人對曰青山播磨守忠成內藤修理亮正成所許也公大怒曰我遊獵之場彼恣掛蹄網引黏繩何耶將軍不之知乎何至于斯幕府大驚將誅二人正信調護免死然不許入營禁錮終身蓋此時

烈祖成績卷之十五

以備放。二月四日。神祖臨伊達政宗第。賜長光刀於政宗。授

常州龍崎地二萬石。以為芻牧之地。賜大原貞守刀於其子

虎菊麻呂。虎菊麻呂十六年名忠宗。後叙從四位下。任侍從。陸奥守。為少將。年譜係正月八日誤。今從創業記。

家忠日記。三月朔。神祖命池田輝政。福島正則。淺野幸長。加

藤清正。黑田長政等。修築江戶城。藤堂高虎引繩規畫樓堞

石壁。鉅麗宏壯。數月而成。高虎行狀係明年。松榮紀事係是

忠日記。○按創業記正月下令。二月蒙命諸候抵江戶。役夫

皆在伊豆運石。去年扈從將軍者。蠲役留在江戶者。每一千

石。出役夫一人。十五日。神祖如京師。二十日。至駿府。相築城之地。留

五日。年譜創業記家忠將以明年移居駿府。更封內藤信成

于江州長濱。二十六日。至中泉。阻雨留三日。年譜創業記家

忠日記。松榮紀

事。是春。神祖憂禁廷仙洞規模湫隘。朝儀難行。命列侯移公

卿第宅於隙地。廣禁廷仙洞之地。東北各一町餘。前權中納

言秀康監之。宮室殿堂悉備。四面疊石壁。奉役列侯各鑄姓

名於石。以垂後世。四月七日。神祖入伏見城。二十八日入朝。

是日還伏見。年譜創業記館林城主榊原式部大輔康政疾

大將軍遣酒井忠世。土井利勝於館林城。瞻視之。使侍醫診

治。數遣使問差劇。神祖遣村越直吉問之。五月十四日。康政

卒。年五十九。大將軍遣阿部正次弔之。康政有三子。長子忠

政。出後於外祖父大須賀康高。次子忠長。蚤世。故第三子遠

江守康勝嗣。年譜創業記家忠日記。松榮紀事。驚六月三日。

且藏讀

卷十五

二

下館城主水谷左京大夫勝俊卒。年六十五。家忠日記子伊勢守

勝隆嗣。水谷系圖是月。大將軍賞賚列侯。勞築江戶城。使各就藩。

松榮紀事是夏。京師有亡賴之徒。橫行北野。賀茂凌辱行人。神祖

聞之大怒。考究得其主名。逐津田高勝。稻葉甲斐守。天野周

防守。寺澤半左衛門。園田又六。大島光義。阿部右京。矢部善

七郎。野間猪之助。宇喜多才壽等十人。創業記○按大島雲

戰功。子孫世任麾下。蓋此後名還也。據織田家譜。津田高勝

食邑二萬石。此時沒收。剃髮號道慶。正保中卒。于下野足利。

七月二十七日。神祖出伏見。入二條城。八月十一日。入朝。德

川義利。五郎太麻呂為右兵衛督。其弟賴將。長福麻呂為常陸介。並叙

從四位下。年譜創業記家忠日記松榮紀事。二十六日。西尾隱岐守吉次卒。

年七十七。家忠日記子主水佐忠永嗣。寬永系圖忠永酒井河內

丹後守。二十七日。神祖還伏見城。年譜創業記九月朔。島津忠

恒來謁伏見。神祖賜松平氏。授諱字。更名家久。家久就近臣

請曰。琉球國嘉吉年中。屬薩摩。遭國家多事。不復來貢。太閤

秀吉時。為通互市交易。遣使來貢。大隅薩摩。舟路便利。商舶

來往。明主聞之。責琉球王。與我絕。至今十餘年。願遣兵征之。

神祖聽之。家忠日記二十一日。神祖發伏見。還江戶。年譜創業記

忠日是日。保田甚兵衛則宗。備前守知宗子。知宗事初謁神

祖于水口驛。賜舊邑三千五百石。家忠日記作三千

日。江戶城修築成。大將軍徙居之。群臣參賀。松榮紀事係十

家忠日記十月六日神祖至駿府留二旬十一月四日還江戶城

年譜創業記家忠日記松榮紀事十五日里見梅鶴麻呂加首服大將軍授

諱字名忠義叙從五位下任侍從襲稱安房守創業記里二

十一日神祖放鷹川越年譜創業記家忠日記諸書還江戶日闕二十八日堀太

郎左衛門秀重卒家忠日記是月封鶴千代麻呂於常州下妻食

十萬石鶴千代麻呂尚幼在伏見神祖以朝比奈雲齋為城

代管攝封疆年譜創業記松榮紀事源流綜貫十二月二十三日伊達政宗

之女適上總介忠輝創業記年譜附尾是月大將軍第二子國松麻

呂生長而名忠長所生夫人淺井氏源流綜貫後至從三位權大納言封駿河遠江

地五十五萬石世稱駿河大納言有故封除大將軍以神祖之命放鷹古河下妻

按行佐竹義宣舊封之地創業記本書是歲下野守忠吉更

任薩摩守創業記細川内記忠利忠興第三子後襲封叙從五位下任越中守為侍

從酒井忠利叙從五位下為備後守家忠日記松榮紀事增封藤堂高

虎備中采邑二萬石高虎行狀松榮紀事賜淺野長政常州真壁五萬

石及江州愛智郡五千石封長子幸長於紀伊賜常州舊封

五萬石於第三子長重創業記家忠日記松榮紀事岡田内記後任備初

謁大將軍神祖侍女阿茶局子養之先是阿茶局養神尾刑

部少輔守世為子故内記更神尾氏以叙兄弟之分松阪城

主古田兵部少輔重恒卒年四十七家忠日記○按重恒無子而嗣絕乎系圖無所

考

十二年丁未正月朔神祖舉女子所生大田氏創業記源神流綜貫

祖欲授江戶城于大將軍命列侯修築駿府城開廓郭內賜

諸士宅地瀧川正弘佐久間政實山城宮內少輔等監之先

是清洲城主薩摩守忠吉罹疾危篤是月少間來于江戶寓

居大久保忠常芝第將歸清洲疾大作大將軍以其同胞特

友愛之親往忠常第視之大城至芝相距一里使者絡繹日

夜不絕問其差劇飲食湯藥莫不詳聞二月二十八日神祖

臨忠常第視忠吉疾創業記家忠日記松榮紀事

臣按關原記大全曰慶長五年神祖在大阪西城井伊直

政揄揚忠吉朝臣之武功其志頗有所挾而大久保忠鄰

反覆論辨以翊戴台廟國本一定不復動搖時人皆謂忠

吉朝臣不得為冢嗣者忠鄰之所為在常人則必懷不平

而忠吉朝臣聞之曰吾為秀忠公之弟才智庸劣何能堪

負荷基業哉忠鄰之諫國家大計真忠臣也甚器重之每

至江府必寓于忠鄰之第竟薨于斯其見親愛如此直政

左右忠吉朝臣而酒井忠利一言以折之台廟傳聞其言

不以直政為忤曾無幾微見於顏面眷遇不異平日及其

卒悲悼殊甚恢量厚德固非常人之所能及也臣竊謂泰

之象曰包荒得尚于中行以光大也台廟以之鄭子臧曰

聖達節次守節為君非吾節也雖不能聖敢失節乎忠吉

朝臣有焉。二公友于之愛既篤。而德量之大亦至矣。皆曠世所無者也。

二十九日。神祖如駿府。留中原數日。年譜創業記家忠前權

中納言秀康久患瘡腫。救藥不效。三月朔。自伏見第歸。越前

創業五日。清洲城主左近衛中將兼薩摩守松平忠吉薨。年

二十八。年譜創業記家忠大將軍甚悼惜之。使土井利勝討

神祖。忠吉之臣石川主馬稻垣將監中川清九郎殉死。十一

日。神祖至駿府。先是忠吉之臣小笠原監物吉久蒙譴。寓于

奧州松島。吉久和泉守吉次子。松榮紀事。作忠重。今從小笠

原家譜。○據東照宮遺訓。監物有武幹。矜才驕恣。故神祖逐之。聞其薨。星行抵江戶。十七日。殉死于增上寺。吉久之

臣佐佐喜藏又殉之。創業記家忠日記。年譜附尾松榮紀事。二十日。葬忠吉於

增上寺。無子。封除。創業

臣按。秦穆公以三良從死。詩人哀之。垂仁帝以土偶代殉。

國史美之。仁不仁相去甚遠矣。國朝風氣剛勁。士皆視死

如歸。不思竭力於嗣君。而以從先君於地下為忠。列國爭

效成風。侯伯至於殉死。以多相誇。何其繆哉。往年我威公

薨。欲殉死者數人。義公居喪哀毀。親往其家。敦諭柅之。無

何幕府禁之以革其弊。實義公為之首倡。仁人之為。其惠

後世大矣。

先是興國寺城主天野康景。為修造伐竹積之。使步卒守之。

富士山麓田原鄉民盜之。番卒斬其首謀一人。黨類走訴于代管井手甚助。甚助遣使謂康景曰。鄉民雖卑賤公民也。盍告我以處法而濫殺之。宜斬下手者以償其罪。康景不服曰。殺盜天下通法也。番卒非以私憾殺之。吾所命也。若以殺盜為罪。則吾坐之。是月甚助訴于神祖。文致以為鄉民實不盜。竹而康景擅殺之。神祖聞之怒。欲訊鞫之。本多正純謂康景曰。縱子詞直犯上不可也。宜亟斬番卒以謝其罪。康景曰。以直為曲。苟免一時之禍。非為士者之道也。不如奉身而退。遂出城亡去。創業記家忠日記 閏四月八日。越前太守從三位前權中納言兼參河守秀康薨于越前北莊城。年三十四。其臣

土屋左馬助永見右衛門殉死。創業記曰左馬助甲州人武田氏戚自幼近侍神祖念 前給回萬石居大野城至是殉死介錯者亦自殺。秀康大將軍之庶兄數更戰陣。智勇兼備。人皆畏憚之。長子忠直年十三時在江戶。大將軍命使紹封。亟歸越前莅政。二十九日。以松平定勝為伏見城代。居西城。長子定行襲封。居懸川城。大番頭渡邊山城守水野忠元各率一隊騎士。戍伏見城。世謂之伏見三年番。年譜創業記家忠日記松榮紀事 先是朝鮮僧松雲等將文祿之俘歸朝鮮。中有國王李昭之疏屬。詳說神祖之政治。李昭疑釋。遣三使來聘。是歲正月。至對馬。三月。宗義智將三使入京師。告狀駿府。神祖命之。先抵江戶。謁大將軍。五月六日。

坐正殿上壇設使坐於下壇之左三使就坐宗義智接伴杯盤皆飾金銀殺饌精腆饗畢三使出十一日大將軍復書李

昭賜白金二千兩眉尖刀十五枝於三使

松榮紀事曰賜劍刀鎧今從家忠日記

載松榮紀事今並略之松榮紀事曰復書相國寺西笑長老

作所二十日三使抵駿府謁神祖獻方物駿府城壘壁未成故

無享禮設酒食於本多正純之第賜鎧刀各三於三使命義

智使文祿之俘猶殘者數百人從三使歸朝鮮

年譜創業記家忠日記松榮紀事○秀吉譜曰朝鮮之役諸將獲敵首級則之獻于行營秀吉瘞之京師大佛殿側號耳塚其後韓使來貢至塚下

誦祭文弔之哭泣曰此輩皆以死報國者也蓋在是時故附于此

臣按太閤秀吉公竭天下之力以攻朝鮮不能得其一道

之地以為郡縣慘酷之悲遍於雞林號哭之聲喧於平壤

太閤徒耀威武築耳塚以擬京觀將十七年之功勞僅止

此耳神祖反是還俘遂生撫以恩信國王李昭懷其德而

嚮化遣三使以獻方物奕世來聘其儀不忒可謂規模宏

遠矣夫以力服人者不能久遠以德服人者萬世不易仁

之與暴其效果何如哉

二十六日賜犬山城於平巖親吉居清洲城北郭代義利綜

理國政年譜創業記家忠日記松榮紀事是夏大旱六月十三日大雨澍洽

庶民皆悅創業七月三日駿府城修築成神祖徙居焉列侯

皆獻賀儀大將軍以酒井忠世為使賀之年譜創業記家忠

神祖更忠世稱曰雅樂助故青山雅樂助幸成更稱大藏少

輔年譜家忠日記二十七日大垣城主石川長門守康通卒年五十

四子忠義尚幼故使康通父家成主大垣城創業記家忠日

義後為安藝守九月十一日橫須賀城主松平出羽守忠政卒年二

十七其子國麻呂嗣時三歲年譜創業記家忠日記松榮紀

高在天正十七年據創業記松榮紀事及鷲峰文集神原忠

次碑銘國麻呂長而名忠次任式部大輔元和元年神原遠

江守康勝卒無子故忠是月右大臣秀賴修營北野社頻年

大修神社佛寺時人謂秀賴尚幼此皆大虞院所為其心有

所祈請而然創業記○大阪陣冬夏事記曰是秋秀賴及淀

可忘一有緩急則當勞利長復書曰亡父大納言多年在

大阪至死勤勞太閤之恩頗足報之往年關原之戰余翊戴

秀賴公亦足以報太閤之恩其後駿河內府江戶大納言以

奈為三州太守禮遇懇篤志在報其恩緩急備用不敢奉命

若資用匱乏巧求金銀則事甚易濟耳即以本多安房守為

使上大阪二書于駿府大御所甚嘉其志利長慮其難處于

世固請致仕大御所許之據之則秀賴挾異志其所由來漸

矣然利長致仕見上文六年六月疑他年之事附以備考下

文十七年引大阪記所注大野十月四日神祖如江戶是日

大將軍夫人生第四女和子於江戶城長而入宮為後水尾

天皇中宮東福門院是也和子元和六年為女御寬永元年

院其所十四日神祖入江戶居西城年譜創業記家忠授黃

金三萬枚白金一萬三千兩於大將軍自西城運之大城創業

記十八日神祖設茶會。饗大將軍。上杉景勝。伊達政宗。佐竹義宣為接伴。松榮紀事

臣按古無茶湯。自足利氏開霸府。將士往往作茶會以相娛。義政公奢侈。不恤軍政。大失將士之心。室町之業衰矣。退隱東山。權臣擾世。樹黨爭勢。義政公不能制之。日聚古器名畫。以為燕閒之資。張皇茶事。通於貴賤。然未有定式。而其稱茶湯者。亦借禪家茶湯之名也。至珠光紹鷗。酷嗜之。其法寢備。盛行於世。太閤秀吉公亦嗜之。干宗易領袖。當時而法度大備。遂為享禮之一。茶廬之制極小。纔容三四人。主人點茶。繾綣款曲。其要以敬為主。以儉為先。至於

奢靡相矜。簡傲相陵。乃其弊也。夫上杉景勝。佐竹義宣。強藩也。以黨于反徒。削奪其國。雖威武所加。勢不得已。而其心未嘗悅服也。今神祖饗大將軍。而景勝義宣與伊達政宗。促膝接伴。禮遇懇篤。合驩聯交。二將焉得不感激而銘戰哉。他年浪速之役。今福志貴野之戰。二將驅馳爭先。摧堅挫銳。蓋有以攬英雄之心也。

二十八日大將軍迎神祖於大城為茶會。年譜創業記家忠日記松榮紀事

是月小笠原秀政之妻患痘而卒。年三十二。故世子信康之子而神祖之孫女也。創業記松榮紀事十一月朔神祖出西城。放鷹

浦波河越忍等地。十二月十二日還駿府。二十二日駿府城

火新築殿閣寶貨重器悉為灰燼太閤秀吉所贈白雲茶壺

至此而亡創業記松步士隊長松平大隅守重勝二郎右衛門重吉第

二子領橫須賀守正門中山左助信吉勘解由左衛門家範

二萬六千石前守守後門重勝闔門不許出入故多焚死者神祖將出村

越直吉進曰正門雜還不便避火宜由後門神祖從之信吉

開門張燭列步士于左右嚴守備禁喧擾神祖避之家忠日記雜錄

中山信吉創業記松榮紀事並其夜神祖宿竹腰小傳次之家曰小傳次之家并伊

直政之舊宅小傳次義利之異父兄也浪花戰記曰小傳次

小左衛門某子後任筑後守小左衛門某與神祖同乳故神

祖親愛朔日移于本多正純之第駿府海岸有久能山巉巖

峭壁四面如削成罹災所銷鎔金銀悉藏之於山上使神原

內記照久守之創業記松榮紀事照久康政之兄七郎右衛門清政之子以修神事叙從二位至大內記

二十四日下令列侯勿問火災年譜創業記家忠是歲池田

利隆來謁江戶大將軍授松平氏為武藏守賜佩刀一雙鷹

馬白金時服還至駿府神祖賜鷹馬池田長常長吉孫備中

為出雲守時七歲戶田高次為土佐守並叙從五位下創業

忠日記松榮紀事植村土佐守泰忠致仕披剃叙二位法印松榮

祖命京師富豪吉田了以羅山文集曰吉田光好居嵯峨角

光好自稱角倉了以雍州府志作了意曰父了德來自丹開

波住嵯峨板倉勝重授倉字於了意束髮稱角倉與一富士川舟路自駿州巖淵至甲府以通漕運人皆便之羅山

松榮紀事福島正則長子八助正長多不法正則告神祖幽之竟

餓殺之。創業記武家盛衰記

十三年戊申正月二日大將軍以酒井家次為使前右大臣

秀賴以織田左門長賴為使。長賴有樂子河內守長孝弟至從四位下侍從雜髮號雲生寺

道並抵駿府賀正二十四日神祖放鷹田中。年譜創業記二家忠日記

十六日高力河內守清長卒年七十九子土佐守正長嗣。家忠

日記高力系圖是月催督列侯築駿府城採材木于木曾熊野伊豆

山使懸川濱松吉田岡崎民夫運之二月前右大臣秀賴患

痘危篤西州諸侯密候其差劇福島正則亟至大阪問之既

而疾瘳。創業記松榮紀事三月十一日駿府城成神祖徙居之。家忠日記

松榮紀事賜水野重仲常州地一萬石為常陸介賴將傳賜中山

信吉常州地五千石為鶴千代麻呂傳。創業記松榮紀事信吉後增五千石春

夏之交多武峯大織冠像破裂寺僧奏請依例賜宣命使禱

其平復公卿審問其狀僧徒言曰廟前有古松大五六圍裂

而脂湧又櫻市有訛言靈像破裂寺僧怪之選精練僧入室

內褰帳摸像膚裂膿流臭氣殊甚土人皆曰自古至今靈像

破裂凡七次朝廷有變必現此凶相公卿大驚奏之禁廷有

故不及遣宣命使。松榮紀事四月福島正長之寡婦自廣島歸關

宿松平康元之子而神祖之女姪也六月迎故權中納言秀

康之女於越前嫁毛利秀就。創業記松榮紀事丹波篠山城主前田

勝茂病狂橫行京師近江數為暴虐是月與水口邑人忿鬪

被捕。訴之駿府。神祖下勝茂獄。奪其封。賜篠山城五萬石於松平康重。以其為山陰道之要衝。命康重上八上故城圖及篠山地圖。神祖覽之。使新築城。藤堂高虎、松平重則、玉蟲對馬守、石川八左衛門、內藤金左衛門等監之。役丹後丹波播磨美作備前備中安藝及南海道民夫築之。山上掘井二。皆鑿石為之。二年而成。松榮紀事伊賀上野城主筒井定次荒淫無度。國政不舉。其宰中坊左近秀祐來于駿府訴之。家忠日記曰七年筒井定次舊臣中防秀祐初謁神祖。仕麾下。賜吉野鄉為采邑。據和州諸將軍傳。是年定次奪封。秀祐為麾下士。叙從五位下。任飛驒守。賜吉野鄉三千五百石。其子忠右衛門秀政襲稱。左近家忠日記係七年誤。但諸將軍傳秀祐作秀行。未是。孰知。神祖廉問奪封。命安藤正次收郡縣。使本多忠勝、松平

忠政。諸書作飛驒守忠隆。今訂之說見五年七月。井伊直勝率桑名加納佐和山

之衆。戍上野城。年譜創業記家忠飛鳥井參議藤原雅庸訴

賀茂社司松下某蹴鞠事於駿府。神祖以為蹴鞠專屬飛鳥

井家。世有敕書。他人不得與之。八月六日。使大將軍下教書。

一遵舊規。創業記家忠八日。定延曆寺法式。凡七條。十日。

大將軍如駿府。十八日。至駿府。謁神祖。二十日。駿府殿守上

棟。凡七層。廣表裝飾詳見創業記松榮紀事今略之神祖與大將軍登殿守觀上

棟儀。梓人中井大和守正次叙從五位下。賜刀一口。錢一千

貫銀八囊。每一囊盛銀二十枚其餘工匠賜物有差。松榮紀事二十五日。神

祖饗大將軍於牙城。授行平刀。是日。移封右兵衛督義直於

尾張義利更今名但不知其在何時食六十一萬九千石創業記家忠日記

年閏四月二十六日按年譜去年公命之今日大樹賜予今從之是月移封藤堂高虎於伊

賀及伊勢數郡仍舊食二十二萬石家忠日記高虎行狀松榮紀事使高虎

幽筒井定次及其子宮内少輔順定於上野城和州諸將軍傳九月

三日大將軍發駿府至江戶日諸書闕無所考畿内中國四國西國北國

列侯皆來駿府獻物賀新城成徑至江戶賀之十二日神祖

如江戶十八日入江戶城大將軍迎之於府中年譜創業記家忠日記松

榮紀是月生駒一正移妻孥於江戶第神祖善之蠲徭役之

半松榮紀事十月二十日内藤修理亮正成卒年五十五創業記家忠日記

○按内藤系圖正成有三子未知孰為適嗣故不書十一月四日下法式於成菩提

院凡六條家忠日記十二月二日神祖發江戶八日還駿府

年譜創業記家忠日記松榮紀事二十四日吉良左兵衛督義彌為侍從家忠日記

日記松榮紀事義彌上野介義定子後襲稱上野介是月停用永樂通寶錢用薄錢賜

故薩摩守忠吉之宰小笠原和泉守吉次笠間城三萬石創業

記松榮紀事據小笠原家譜吉次安藝守長正曾孫伊豫守某子更伊達政宗羽柴氏授松

平氏賜來國光刀創業記係明年今從家忠日記松榮紀事神祖外孫池田藤松

其弟勝五郎並加首服于大將軍前授松平氏諱字藤松名

忠繼叙從四位下為侍從稱左衛門督賜佩刀時十歲勝五

郎名忠雄據諸士傳略勝五郎更新二郎稱宮内大輔賜佩刀及馬時七歲

家忠日記松平成重為左近將監松平忠實為土佐守並叙

從五位下。家忠日記是歲移封松平定勝。賜伏見側近一萬石。江

州志賀高島二郡之地四萬石。總五萬石。移封富田。知信於

伊豫宇和島。食十一萬石。家忠日記皇朝武將好學如神祖。

自古所希。先是朝鮮之役。神祖從豐臣秀吉。在肥前名護屋。

初識惺窩藤肅。參議藤原為純子時稱妙壽院還聞其學術

悅之。文祿二年。召惺窩於江戶。講讀大學及貞觀政要。及石

田三成伏誅。神祖在京師。屢召惺窩。使讀漢書及諸史。時五

山老宿承允靈三日侍左右。惺窩恥與此輩伍。山居不出。時

人罕見其面。門人林道春在京師。講朱子集註論語。從學者

日衆矣。大外記舟橋式部大丞清原秀賢忌之。秀賢少納言國賢子奏

曰自古非有敕許不得講新註。此典故也。朝廷既然矧於凡

民之家乎。宜罪之。議奏兩卿先告神祖。神祖笑曰。講者可謂

特達之士。訟者不免褊狹之譏。秀賢無語而罷。神祖聞道春

名。命永井直勝召見之。數往來于伏見駿府。抵江戶謁大將

軍。使讀三略漢書而聽之。至是神祖召為講官。賜宅地於駿

府。講四書六經及武經七書。日夜備顧問。使掌書庫鎖鑰。松榮

紀事

臣按漢光武唐太宗皆出戎行。銳情經術。建武貞觀之治。

到于今稱之。蓋以武創業。文守成。馬上得之。不可以馬上

治之。文武並用。長久之術也。國朝文學之盛。載在舊史。暨

江川作之助刺

乎國家多事。檀車四馳。禮闈策試之法廢。而學館黌舍。鞠為茂草。威權下移。廟堂陵夷。自足利氏失統馭之術。四海鼎沸。無日不尋干戈。自爾文柄歸于五山僧侶。而搢紳反巧其膏馥。經殘教弛。舉世無復知有學術者。神祖以撥亂之才。抱守成之器。關原亂平。輒命足利僧三要。刊行家語。七書貞觀政要。蓋當此時。世乏其人。故委任三要。而欲使世人粗知嚮學之方也。及得羅山。擢為講官。世人能知尊信孔孟。而祖尚程朱者。皆神祖之教也。佗年難波之役。身在京師。運籌之暇。日以購書為務。宣唯古來武將之所罕。臣竊以為開闢以來。為將帥者所未有也。

十四年己酉正月朔。大將軍及前右大臣秀賴。遣使駿府賀

正五日。鶴千代麻呂叙正五位下。名賴房。源流綜貫。○更名

據叙爵書於此。蓋此時稱左衛門督。然無確據。故不書。七日。神祖以將使右兵衛督義

直居清洲城。如尾州。中路放鷹。參河遠江之間。義直出駿府。

至岡崎。從神祖。年譜。創業記。松榮紀事。二十三日。酒井忠勝叙從五位

下。為宮內大輔。家忠日記。松榮紀事。二十五日。神祖入清洲城。授城於

義直。使故薩摩守忠吉之臣。皆事義直。給祿有差。前右大臣

秀賴。以片桐且元為使。贈白金一百枚於義直。賀之。美濃伊

勢將士來賀。奧平信昌之妻。至自加納。本多忠政之妻。至自

桑名。謁神祖。信昌妻。神祖之女。忠政妻。孫女也。各賜黃金五千枚。創業記。松榮紀事。

二月十一日神祖還駿府。年譜創業記家忠是日大將軍增

酒井忠世上州善養寺邑五千石。松榮紀事正月二十三日今從家忠日記

九日神祖遺本多正純於江戶檢關西諸將之質。年譜創業記

十九日盜殺中坊秀祐於伏見第。家忠日記係年尾曰是年

創業記曰去年飛驒守其君筒井伊賀守封除舊臣山中某來飛驒守家晤語夜深飛驒守入卧内山中某與飛驒守

子卧一室失飛驒守首不知主名按和是月柳川城主田中

筑後守吉政卒子民部少輔忠政嗣。創業記三月五日武州巖

築城火。家忠日記是月大將軍養小笠原秀政女為子嫁細川忠

利。創業記清洲舊臣小笠原吉次富永丹波守戶田加賀守松

平攝津守松平石見守。攝津守石見守與松平忠政松平康安稱同而人異有罪放

點吉次去年為笠間城主每事多不法故至此。創業記松榮紀事藤

堂和泉守高虎來謁駿府謝賜伊賀。創業記佐渡守高虎去年更任和泉守島

津家久出屯山川。雜錄島津家記以樺山權左衛門久高為將平田

太郎左衛門副之率八千餘兵以擊琉球。家忠日記作三千餘騎今從松榮紀

事蒙衝百餘艘泊大島徑至德島中山王率五千餘兵陣於

日本山拒之山在日本界去王都可百里久高擊破之獲三

百餘級琉球兵潰走島民悉降四月朔薩摩兵至那霸津琉

球兵張鐵鑱於津口以拒之薩摩兵自佗津上陸相戰三日

進入琉球都圍王城急攻大破之獲數百級禽中山王尚寧

三司官以下悉降久高嚴守王城執子姪妃妾報之薩摩家

久馳檄告駿府江戶。家忠日記曰中山王乞降今四日賓殿

之庭有人不言。四支無指。弊衣蓬髮。唯食青蛙。問其所從來。

以手指天。左右請殺之。神祖不許。放之城外。不知其所之。年譜

家忠日記五月三日。小濱城主參議京極高次卒。年四十七。

其子若狹守忠高嗣。家忠日記五日。高力虎之助長次叙從

五位下。任河內守。高力系圖長次土佐守正長第三子十一日。米子城主松平

伯耆守忠一卒。年二十。無子封除。使古田大膳大夫重治。一

柳直盛成米子城。朝比奈源六郎久貝忠三郎弓削多源七

郎監國事。創業記家忠日記年譜附尾松榮紀事十七日。大將軍臨藤堂高虎

第。創業記松榮紀事二十五日。中山王尚寧被俘來薩摩。家忠日記松榮紀事

七月。先是花山少將藤原忠長。飛鳥井少將藤原雅賢。猪熊

侍從。姓名兼保備後守。名皆年少。美姿容。與德大寺右少將

藤原實久。烏丸左大辨藤原光廣。松木少將藤原宗信。大炊

御門左中將藤原賴國。難波少將藤原宗勝等。朋比密挑宮

女數會飲。姪媒褻慢。事發覺。捕備後守。拷治得其實。天皇震

怒。勅京尹板倉勝重處法。勝重白駿府神祖使勝重就公卿

上諫曰。禁內不治。自古多有之。人主寬仁。以德治之。則苟有

人心者。孰不媿之。此懲將來之良法也。天皇納之。四日。敕減

死一等。流宮女五人於伊豆大島及八丈島。松榮紀事作宮女三人創業記

曰廣橋局唐橋局以下五人皆剃髮處流今從之竄忠長於蝦夷。松榮紀事作津輕人今從創業記諸家

傳 貶雅賢於隱岐。流宗信賴國於硫黃島。實久光廣削籍屏
居。宗勝處流。松榮紀事以此事連書去年大織冠像破裂之
下而無實久光廣宗勝三人今從創業記諸家
傳宗勝被流亦據諸家傳但不言何處○宮女諸卿處流創
業記係十月十一日諸家傳曰七月四日皆蒙救勘蓋七月
降敕十月出京猪熊為淫亂之最。兼保掌宮門管鑰。其罪殊
重。天皇甚惡之。故二人處死。時人皆謂大織冠像現凶相。此
其兆也。創業記諸家
傳松榮紀事既而天皇霽威。將遣宣命使。選其人。神
祇少副卜部兼治應其選。奉敕抵南都。大和河內庶民麇集。
舊規以夜二更傳宣。及期人心無故而恟懼。兼治戰栗不能
傳宣。庶民逃散二里餘。天皇聞之。責兼治無狀。罷其職。五條
少納言菅原為適。家世掌宣命。故以為適為使。為適讀宣命。

如舊式。靈像復故。天皇賞為適。進位一階。神祖下教書褒之。
松榮
紀事五日。神祖使島津家久將中山王尚寧抵江戶。賞其功。
賜琉球地十二萬石於家久。大將軍賜書龍伯惟新及家久。
褒取琉球之功。年譜創業記家忠
日記松榮紀事十四日。下令六條戒勅。伏
見城番士。家忠
日記先是禁用烟草。而不止。是月重禁之。創業記
松榮紀
事。八月四日。賜岡部長盛丹波龜山城二萬石。通前食三萬
三千石。家忠日記
松榮紀事十二日。松平康重。土岐定政。山口重政。更
番守伏見城。創業
記是月。移封脇阪。安治於伊豫。今張食五萬
石。創業記家忠日記松榮紀事○據創業記關原合戰誌安
治自太閤時封淡路洲本三萬石今增二萬石通前五萬
石。賜松平定綱下總山川邑一萬五千石。家忠日記關原合
戰誌松榮紀事

九月二十一日。伊勢內宮遷宮。二十七日。外宮遷宮。是春。神祖附米六萬俵。以為其資。年譜創業記。松榮紀事。

真田左馬助。忿鬪于江戶。半之丞斬左馬助而亡去。創業記。半之丞。

左門一西第四子。左馬助。安房守昌幸第四子。頻年西州諸侯造戰艦。修城郭。蓋欲

備不虞。而神祖訝之。下令定其法制。使九鬼守隆向井將監。

久永源兵衛。點檢五百石以上大艦。悉送淡路島。籍沒之。漕

于駿府江府。賜大艦一艘於池田輝政。賜蜂須賀至鎮。稻葉

典通之大艦二艘於九鬼守隆。創業記。家忠日記。松榮紀事。十月八日。久

野宗安卒。年八十三。家忠日記。三郎右衛門宗能。判髮號。宗安。二十六日。神祖如

江戶。中路放鷹善德寺。至三島留滯。年譜。家忠日記。松榮紀事。○據駿府記。善德寺。

即中泉也。先是上總介忠輝重臣皆川廣照。山田長門守。松平讚

岐守。上書訟忠輝暴橫。忠輝在江戶聞之。怒徑至駿府分疏。

二十七日。神祖論其輕重。逐廣照。處長門守讚岐守於死。創業

記。松榮紀事。二十九日。石川日向守家成卒。年七十六。年譜。家忠日記。松榮

紀事。是月。水野市正饗濱松城主松平忠賴於江戶第。座客久

米左平次與服部半八忿爭。半八拔刀斬左平次。不殊。半八

出奔。左平次揮刀逐之。忠賴欲使半八脫去。從後抱之。左平

次曰。吾既被創。不得不決。君宜捨去。忠賴不可。抱之愈急。左

平次怒。刺殺忠賴。座客擊左平次殺之。半八走至相州大山。

被逮死。市正蒙譴自殺。忠賴織田有樂之女壻。而有二子。神

祖使石川主殿頭忠總收濱松城。忠總家成養子詳于下文押妻子至江

戶。創業記松榮紀事大番之士在伏見城三年多犯法者是秋還江

戶。至是神祖定其等差科罪。梅北三吉莊田小傳次荒尾長

五。松榮紀事荒尾作荒川今從創業記有賀忠三郎鶉股伊右衛門間宮彦九

郎處死。小斐二左衛門駒井孫四郎岡部莊七小川佐太郎。

藤方平九郎津戶左門戶田喜左衛門被放。創業記松榮紀事神祖

在三島罹微疾。十一月五日還駿府。遣安藤直次於江戶告

病不能至江戶於大將軍。且勿來問。大將軍輒遣本多正信

於駿府候之。不日而瘳。年譜創業記家忠日記松榮紀事二十一日酒井忠

勝叙從五位下。為讚岐守。家忠日記松榮紀事十二月五日賜大垣城

於石川家成外孫石川忠總紹其封。創業記家忠日記松榮紀事忠總大久保忠鄰

第二子家忠日記忠總作總輔今按初名也。○按一本德川記抄康通有子妾某氏所生也。某氏嘗事故世子信康夫人

以故康通匿而不聞家臣請養外孫忠總為子家成許之。至是家成卒神祖使忠總繼之。去歲肥前商客

三百餘人往阿媽港。蠻船長加毘丹真如盧相議曰。○蠻語

曰加毘丹商人長曰真如盧俗稱蠻船曰黑船。日本商船每年來此。則我輩雖往長

崎難以得利。不如殺之。乃啗利誘之。悉燔殺之。中有有馬晴

信家奴三人遁歸告狀。晴信加毘丹以為日本人不能知之。

是歲阿媽港商船數艘來于長崎。長崎奉行長谷川左兵衛

藤廣告之駿府。神祖甚惡之。命晴信藤廣殲之。晴信與藤廣

議誘加毘丹上陸而不來。九日晴信藤廣以戰艦攻之。蠻船

揚帆走可一里。風逆不能行。下碇而泊。藤廣購蠻人潛入水底。以刀截纜。纜牢固如鐵。不能截。十二日。藤廣厲晴信。進樓船走輕艦。圍攻之。蠻賊放鳥銃。射火箭拒之。我兵不顧死傷。急擊之。藤廣弟忠兵衛乘小船。近蠻船。騰斬真如盧。蠻船大驚。騷噴吶。吶囉喇。以錚鼓齊發。聲聞數里。晴信之兵。有能知蠻船事者。射火箭。中火藥箱。一時火發。燒船沈海底。加毘丹以下。蠻賊死者二百餘人。無一人免者。白金二十餘萬兩。白絲二十餘萬斤。金鏢金環。繡羅布帛。皆沈沒。不可勝計。年譜創業是日。大胡城主牧野右馬允康成卒。年五十五。子忠成嗣。年譜創業記水野分長。其子重仲守濱松城。重仲雖為

賴將傳。而松平忠賴舊臣。恣睢暴戾。故神祖命二人治之。松榮紀事。二十一日。松平信吉二子。加首服於大將軍前。授諱字。長子名忠國。次子名忠晴。並賜佩刀。家忠日記松榮紀事。後忠守。並叙從五位下。是月。封常陸介賴宣於駿河遠江。食五十萬石。賴宣將更今名。但不知其在何時賴房於常陸水戶。食二十五萬石。年譜創業記榮紀事。島津家久遣使駿府江府獻物。謝賜琉球國神祖大將軍賜書優答之。家忠日記是歲。下法式封戶印章於園城寺之照高院。家忠日記作照光。今從松榮紀事。○按日光山坐禪院。高田專修寺。東寺長者及僧徒。關東真言宗古義諸寺。鞍馬寺。高野山金剛峰寺。又下修驗道法制於聖護院。家忠日記

松榮紀事。松平利隆長子新太郎。長而名光政為少將。生於備前岡山城神

祖以牧野豐前守為使。賜名刀一雙於新太郎。給備中地一

千石於利隆之妻。為湯沐邑。家忠日記侍從大澤基宿為少

將。戶澤政盛為右京亮。一柳直盛長子直重為丹後守。次子

直家為美作守。森二郎兵衛重政為伊豆守。岡部宣勝為美

濃守。內膳正長盛子。家忠日記松榮紀事。無宣勝。今據岡部

然自餘叙任。二書不係月日。今從之。竝叙從五位下。溝口伯耆守秀勝卒。年六

十三。真田安房守昌幸死于久土山。年六十九。諸書或作高

山。關原記大全曰高野山麓。久土山。今從之。○家忠日記曰

十二月神祖放鷹武州宿巖築城城主高力忠房饗之。是春

巖築城火城郭新成。壘壁悉備。神祖還江戶。以忠房弟河內

守長次為使。賜白銀二百枚於忠房。以賞其速成之功。按十

月神祖往江戶。以疾不果行。其後諸木下肥後守家定卒。神

書不載。至江戶。疑他年事。附以備攷。祖欲以其第二子宮内少輔利房紹封。豐臣秀吉夫人高臺

院家定之姊也。以私愛忤命。欲以少將勝俊襲封。神祖怒。沒

其封。創業記松榮紀事。勝俊大將軍命美濃尾張參河將士。

至江戶以迎新歲。創業記○松榮紀事曰。大將軍使中國西

創業記曰始雖有命。中輟之。今從之。

十五年庚戌正月朔。大將軍以大久保忠常為使。二日。前右

大臣秀賴以伊藤掃部助為使。竝至駿府賀正。九日。神祖狩

于田中。徑造尾州名護屋。視築城地。十四日。還駿府。十九日。

放鷹田中。年譜家忠日記。造名護屋。據創業記。松榮紀事。二十三日。大將軍以內藤

甚十郎忠重為世子竹千代麻呂傳。忠重仁兵衛忠政子後任伊賀守松平

長四郎信綱。大河內金兵衛久綱子右衛門大夫正綱子養之補伊豆守為猷廟嚴廟二代執政阿部

小平次忠秋。左馬助忠吉子時九歲後補豐後守同信綱為二代執政永井十左衛門直

貞為近侍。家忠日記松榮紀事直貞後補豐後守二十四日神祖發田中狩于

中泉。二月四日還駿府。大將軍將狩于參州田原。二十日發

江府。二十四日至駿府。年譜創業記家忠日記松榮紀事先是堀越後守忠

俊宗臣。忠俊左衛門督秀政孫秀治子堀直奇與兄監物爭權相訟。監物以

其為異母弟惡直奇。讒於忠俊逐之。忠俊本多忠政之女婿

也。忠政之女神祖之外曾孫也子養之以嫁忠俊故忠政憂忠俊家國阽危與本多

正純安藤直次成瀨正成相議講解監物兄弟直奇不聽。幸

大將軍在駿府。至駿府訴之。家忠日記作江戶閏月二日神

祖召監物直奇及庶弟主計直之。淡路加賀等問其曲直。家忠

日記云直之後稱式部少輔加賀稱市正執政元老各列坐神祖隔障親聽其訟。

監物直奇爭辨不已。直奇言曰。監物在藩國多不法。嘗使淨

土法華二宗僧私作法論。是非未決。監物濫殺淨土僧十餘

人。神祖聞之。開障面詰監物曰。法論可否。何人決之。監物對

曰。使智者決之。神祖曰。所謂智者誰歟。以汝昏愚自詫為智

者。擅殺無罪之僧。即此一事。罪在不赦。餘不足問。放監物於

最上。責忠俊曰。不能決家臣之訟。何能治國。奪封流之巖城。

直奇以無罪削采邑五萬石。賜信州之地三萬石。年譜創業記家忠日記

紀事 松榮 三日移封上總介忠輝於越後。居高田城。食五十五

萬石。年譜附尾作六十萬石。今從源流綜貫。○創業記松榮

志城主石川忠義。沼田城主真田信幸。監高田城。遣使越後。

召忠俊妻。再醮有馬晴信長子左衛門佐直純。欲以近江五

十萬石封忠輝。時越後無主。乃封於越後。村上義明。溝口宣

勝領。越後地十五萬石。故忠輝領川中島。如故。按此非一朝

夕之事。蓋三日下命封之。而其入高田城。八日。和州高取城

則在。他日。今據年譜家忠日記書于此。

主本多因幡守利朝卒。子左京利長嗣。本多系圖十日。大將軍發

駿府。十三日。神祖女子四歲而夭。創業記松榮紀事。○據二

今歲天。故此後養池田輝政之女。嫁忠宗。忠宗卒為尼。號孝勝院。十四日。大將軍至田原。十

五日。狩于大久保山。參河遠江士卒圍山數重。大眾放箭飛

鉛。聲震山谷。本多忠勝自桑名來謁。在獵場。言于大將軍曰。

往年武田信玄率大兵出三方原。未及此衆之多也。十七日。

狩于藏王山。是日。岡部八十郎與中川八兵衛忿鬪。八十郎

斬八兵衛。不殊。八兵衛從者殺八十郎。大將軍責八兵衛犯

令斬之。雖事起于倉猝。而令嚴隊伍不亂。二十日。狩于日留

和山。二十二日。狩于若見山。二十三日。狩于多坪。數日

間。獲猪鹿數千。牧野内匠頭信成射大鹿。殪之。大將軍褒之。

二十七日。大將軍至駿府。年譜創業記家忠是月。神祖命西

州諸侯築名護屋城。家忠日記。松榮紀事。昔年織田信秀僅領州半。城

守此地。郭内狹隘。池隍甚淺。雖以本州封義直。居清洲城。而

地僻不足為東海道之樞要。故規畫名護屋之地。命列侯構

烈且責

二十五

城郭築壘壁。福島正則加藤清正淺野幸長等為其最。正則密謂池田輝政曰。頻年修造江府駿府城郭。工役並興。是皆天下之重鎮。人不敢以為勞。今為庶子築城。不宜役使吾曹。子為大御所之愛婿。盍為吾曹言之。輝政不應。清正奮髯曰。子何發言之輕遽。子以築城為勞。則何不速謀反。若不能反。不宜發此言。正則語塞。輝政笑以為戲。其後神祖聞之。召輝政使謂諸將曰。聞卿等疲於土木。宜各罷去。深溝高壘。據城以待。吾至。諸將大懼。急董工役。闢土地。穿塹隍。以伊勢參河之大船。運西州南海之巨石。疊為壘壁。凡役二十萬人。名護屋城。不日而成。松榮紀事三月五日。大將軍還江府。十一日。敕使

勸修寺大納言藤原光豐。廣橋大納言藤原兼勝。來于駿府。密詔告明年將傳位于皇太子。年譜創業記家忠日記松榮紀事二十二日。井上康名叙從五位下。為淡路守。家忠日記作康名松榮紀事作庸名未知孰是是春。更土井利勝下總小美川采地。賜本州佐倉城。食三萬二千石。優勞淺野長政。賜前年所收木下家定備中采地二萬四千石。往年長政賜常陸近江數縣。松榮紀事常陸作五萬石江州愛智川五千石真壁在常陸今訂之今欲以其子幸長之女妻右兵衛督義直。故厚遇長政。使以新授采邑傳于次子右兵衛佐長。創業記家忠日記松榮紀事按長晟兄紀伊守幸長十八年卒無子故長晟紹封更但馬守叙從四位下任侍從四月二日。執政本多正信。酒井忠世。安藤重信。牒于高野山

吉野山僧徒關東之士忤神祖大將軍之命者使之在高野

吉野多武峯勢州朝熊牒于日光山坐禪院房州清澄寺筑

波山知足院足利鏤阿寺關西之士忤兩公之命者使之在

日光房州筑波足利按驗錄送其實數松榮紀事云使諸山不得藏匿逃亡之士

家忠日記載牒詞今據之七日真壁城主淺野彈正少弼長政卒神祖好

與長政圍碁長政爭道頗失君臣之禮神祖每優容之及卒

神祖不復圍碁世人比之伯牙絕絃淺野家譜是月封神祖外孫

松平忠雄于淡路抵駿府江府謝之神祖賜短刀大將軍賜

腰刀及馬松榮紀事正文曰增封淡路于池田輝政統領播磨備前三州通一百萬石餘紀事一說與家忠日

記合今據之往年高野山遍照光院與眾僧誣僧庵室有罪禁錮

之庵室逃至駿府訴其無罪神祖召遍照光院及眾僧按問

之庵室雪冤故誅遍照光院於山上放流眾僧以庵室住持

遍照光院賜教書裁決山中庶務久之庵室放橫私立法制

逐無過者是月高野山寶性院抵駿府訴之神祖鞫問之庵

室伏辜收往年所賜教書下法制五條於高野山創業記家忠日記松

榮紀事五月十一日水野勝成叙從五位下任日向守十六日

島津家久將中山王尚寧出薩摩赴駿府家忠日記松榮紀事七月朔

神祖漁于瀨名川而游泳水底年譜家忠日記十三日高木主水正

清秀卒年八十五家忠日記松榮紀事龜山城修築成藤堂高虎鳩工

造殿守白駿府江府獻之即為龜山城殿守創業記松榮紀事十

九日。割伯耆移封黑野領主加藤泰景。今尾領主市橋下總

守長政。○松榮紀事作正綱。寬永系圖長勝子。有長政而龜無正綱。蓋更名也。然無的據。今從系圖。書長政。

山城主關一政。增封加納城主松平攝津守忠政四萬石。○

創業記松榮紀事。飛驒守忠政去年更稱攝津守。二十七日。封忠政弟忠明于龜山

城。食五萬石。領參州作手如故。忠政忠明皆神祖之外孫也。

年譜創業記。家忠日記。松平忠明行狀。松榮紀事。先是丹羽長重立花宗茂歸降。流

寓江府。是月。召二人各賜采邑一萬石。松榮紀事。○本書八年。末書曰。丹羽長重

屏居江戶城外。請赦其罪。世子以其有舊。請神祖釋之。賜常陸古渡鄉一萬石。按古渡一萬石。八年賜山岡景本。而為賜

長重誤。以是月與宗茂同賜采邑。為是故。不取創業記曰。宗茂賜關東地二萬石。關原記大全曰。賜奧州棚倉一萬石。其

後增一萬石。今從之。井伊直政第二子掃部頭直孝。細川興元各賜

采邑一萬石。賜安藤重信上野吉井邑。阿部正次下野鹿沼

邑。各五千石。武藏深谷邑八千石于松平大膳亮忠重。家忠日記。

松榮紀事。忠重左馬允。忠賴子。八月二日。大田新六郎重政卒。家忠日記。三

日。大將軍遣土井利勝於駿府。諮政事得失。神祖賜抹茶小

壺於利勝。命曰。汝歸江戶。須以此小壺作茶會。饗大將軍。家忠

日記。松榮紀事。○二書並云。小壺號紹鷗。圓坐肩衝。六日。島津家久將中山王尚寧至

駿府。八日。神祖著直衣烏帽。坐正殿上檀。尚寧獻緞子一百

匹。羅紗一百二十尋。芭蕉布一百匹。太平布二百匹。家久獻

腰刀一隻。白金一萬兩。十八日。饗家久。尚寧。設申樂大宴。常

陸介賴宣及賴房皆作舞曲。賜貞宗大刀短刀於家久。創業記。家

忠日記松二十日。細川玄旨卒于京師。年七十七。創業記細

榮紀事二十五日。家久將尚寧至江府。大將軍遣使勞之。二十

七日。又遣使賜米一千俵於家久。二十八日。尚寧登城謁大

將軍。獻緞子芭蕉布各一百匹。太平布二百匹。家久獻長光

刀。緞子一百匹。虎皮十張。白金一萬兩於大將軍。腰刀良馬

各一。紅絲一百斤於世子。大將軍命尚寧曰。琉球國中山王

所世居也。不宜立佗姓為王。須亟還國以奉祖先之祀。賜琉

球賦稅於家久。年譜創業記家忠是月。神祖奏請以增上寺

住持僧源譽存翁為國師。近世大德寺僧賜國師號。以國師

不宜有二。輟大德寺國師。賜存翁號觀智國師。創業記松九

月十六日。大將軍饗家久尚寧於大城。二十日。家久將尚寧

由木曾路赴薩摩。既而歸藩。送還中山王及俘囚。置監吏定

法制。每歲收租稅六萬石。年譜創業記家忠是月。安南國王

遣使通信。使船泊薩摩。獻沈香柱十二。以沈香抹所製柱一。

糖水十壺。水沈十斤。象牙二。鸚鵡孔雀利年雞各一隻。花絹

二匹。庚子之亂。稻留一夢不能死于細川忠興之妻之難。時

人鄙之。然其精于鳥銃。當世無雙。事故薩摩守忠吉。在清洲

城。神祖召之。習其術。大將軍亦召於江府。習之。古田重然以

精於茶事。名于世。大將軍召之。諮訪茶事。十月六日。大將軍

臨大久保忠鄰第作茶會。創業記松九日。駿府城庖廚火。十

四日神祖如江戶。年譜創業記家忠是日增松平右衛門佐

正久采邑一千石。日記松榮紀事十五日神祖至善德寺放鷹留三日。

十六日大將軍臨松平政宗第作茶會。自是數臨列侯執政

之第。有茶會。創業記松榮紀事十八日桑名城主本多中務大輔忠

勝卒年六十三。長子美濃守忠政紹封。二十一日神祖至武

州放鷹各所。大將軍來謁。經日神祖入江戶城。十一月二十

七日神祖還駿府。中途放鷹淹留數日。十二月十日入駿府

城。年譜創業記家忠二十一日吉田城主松平玄蕃頭家清

卒年四十三。長子民部大輔忠清紹封。家忠日記松榮紀事是歲前右

大臣秀賴營大佛殿。年譜創業記家忠日記松榮紀事○羅

際豐臣氏相洛東之地。疊大磐累巨石堆其基址。創大殿置大像。大像壞于地震。大殿燼於鬱攸。戊申己酉之年。肯堂之事復始焉。君子以為一之為甚。其可再乎。按十三年。賜淺野十四年。既命營構。至是工役並興。其詳在十七年。

長晟備中地采邑二萬石。家忠日記常州北條邑三千石於佐久

間勝之。叙從五位下。任大膳亮。佐久間系圖本州小栗邑五千石

于杉原長房。杉原系圖大將軍賜山内對馬守松平氏及諱字佩

刀。名忠義。叙從四位下。為土佐守。大澤右京亮基重為侍從。

先是侍從吉良義彌銜大將軍之命。使于禁廷。基重奉神祖

之使。故有是命。松平家信叙從五位下。為紀伊守。以本多忠

政女再醮有馬直純。神祖賜長光刀於直純。家忠日記松榮紀事神祖

嘗謂長谷川藤廣曰。曩時日本與明有勘合符。天文以來。絕

無其事。今須商議復故。至是明商船泊五島。吏目周性如來于長崎。藤廣招之。問明室之事。白之駿府。神祖使林道春。作本多正純及藤廣書。遣福建道總督陳子貞。舉吾邦與明通信故事。及當時皇朝治平。朝鮮來聘。琉球臣服。安南交趾。占城暹羅。呂宋。西洋。柬埔寨等諸國。莫不上書輸寶。明室亦宜以勘合符。通信結好。雖署正純藤廣之名。而其實達之明主。故用神祖之印章。藤廣授二書于性如。致之總督。而子貞猶懷狐疑。竟不復書。勘合亦不成。然南京福建商船。每歲來于長崎。至今不絕。羅山文集 松榮紀事

烈祖成績卷之十五終

松井甲太郎書

